

# BOKN KOMMUNE

## Sakspapir

Styre, utval, komite m.m.	Møtedato	Saksnr
Seniorråd/råd for eldre og funksjonshemma	04.12.2018	039/18
Formannskapet	04.12.2018	071/18
Kommunestyret	18.12.2018	064/18

Saksansv. Jan Erik Nygaard	Arkiv K1 - 151	Arkivsaknr 18/481
----------------------------	----------------	-------------------

### Budsjett 2019 og økonomiplan 2020 - 2022 m/ vedlegg

Rådmannen sitt framlegg til vedtak:

1. Vedlagte forslag til budsjett for Bokn kommune for 2019 vert vedteke på overordna nivå med eit nettobudsjett på kr. 72.343.300,- på fylgjande rammeområder:

Rammeområde 1 Sentraladministrasjonen	15.705.200
Rammeområde 2 Kultur, skule og barnehage	25.500.200
Rammeområde 3 Helse, pleie og omsorg	24.750.000
Rammeområde 4 Sosial og barnevern	2.155.400
Rammeområde 6 Teknisk	4.232.500

2. Rådmannen får fullmakt til å omfordele tiltak på rammeområda der endringane er av budsjett-teknisk og ikkje-prinsipiell karakter.
3. Kommunestyret vedtek nye driftstiltak i 2019 – 2022 ihht skjema 2A;
4. Kommunestyret vedtek nye investeringar i 2019 – 2022 ihht skjema 2B; 64 mill. kroner.

Investeringane vert dekkja slik:

- Skuleutbygging på 50 mill. kroner finansieres ved bruk av fond.
  - Utviding Bokn vassverk 14 mill. kroner finansieres gjennom låneopptak. Låneopptaket skal finansierast gjennom auke i vassavgift med 25 % i 2019 og ytterlegare 15 % i 2020.
5. Bokn kommunestyre vedtek å ta opp lån på 14 mill. kroner til vidare utbygging av Bokn vassverk med nedbetaling over 40 år.

6. Øvrige skattevedtak: Kommunale inntektsskattetre samsvarande med Stortinget sitt vedtak om maksimalsats.
7. Bokn kommunestyre vedtar at barnehagesatsane vert justert frå 1. januar 2019 i samsvar med vedtatt maksimalpris. Deltidsplassar skal justerast forholdsmessig.
8. Maksimalsatsane for opphald i institusjon og hjelp i heimen fylgjer den til kvar tid gjeldande forskrift for eigenbetaling. Dei øvrige framlagde satsane for kommunale avgifter og tenester for 2019 vert vedtatt i samsvar med rådmannen sitt framlegg i gebyrregulativet.
9. For eigedomsskatteåret 2019 skal det skrivast ut eigedomsskatt etter eigedomsskattelova § 3, første ledd, bokstav d, «berre på næringsseigedom, kraftverk, vindkraftverk, kraftnettet og anlegg omfatta av særskattereglane for petroleum» slik lova lyder etter 1. januar 2019. Det skal etter eigedomsskattelova § 4, tredje ledd, dessutan skrivast ut eigedomsskatt på «anlegg i sjø for oppdrett av fisk, skjell, skaldyr og andre marine artar» ettersom slike anlegg er jamstilt med vårt valte utskrivingsalternativ etter eigedomsskattelova § 3, første ledd, bokstav d, slik lova lyder frå 1. januar 2019. I 2019 skal det skrivast ut eigedomsskatt på «eit særskilt fastsett grunnlag» i henhold til overgangsregelen til eigedomsskattelova §§ 3 og 4, første ledd, slik at verdien av produksjonsutstyr og –installasjonar fases ut med 1/7 for verk og bruk som frå og med 2019 blir rekna som næringsseigedom. Det særskilte grunnlaget skal i 2019 vere lik 6/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr og –installasjonar ikkje skal reknast med i grunnlaget. Det skal skrivast ut eigedomsskatt på bygningar og grunnareal for anlegg med produksjonsutstyr og -installasjonar i henhold til overgangsregelen til eigedomsskattelova §§ 3 og 4, andre ledd. Den alminnelege eigedomsskattesatsen for skatteåret 2019 er 7 promille. Utskriving av skatt for skatteåret 2019 blir basert på takstar fastsett ved siste alminnelege taksering som blei gjennomført med verknad frå 1. januar 2016, men med spesifisering av skatteverdier for produksjonsutstyr og –installasjonar. Eigedomsskatten blir skriven ut i 2 terminar, jf. eigedomsskattelova § 25, første ledd.

Ordfører og rådmann får fullmakt til å inngå forhandlingar om sal av kommunen sine aksjar i Haugaland Kraft as. Salsavtalen legges fram for formannskapet til endeleg godkjenning. Inntektene frå sal av aksjane skal settast av på fond.

### **Seniorråd/råd for eldre og funksjonshemma 04.12.2018:**

#### **Behandling:**

#### **SB- 039/18 Vedtak:**

Seniorrådet støttar rådmannen sitt forslag til vedtak.

## **Formannskapet 04.12.2018:**

### **Behandling:**

Forslag frå KRF, H, AP og SP

Rådmannen sitt forslag til vedtak vert vedtatt med tillegg av:

Videreføring fra 2018 til 2019 resterende midler på "frivillighets"

Videreføring fra 2018 til 2019 resterende midler "til ordførerens disposisjon"

### **FS- 071/18 Vedtak:**

Eit samrøysta Formannskap rår til at rådmannen sitt forslag til vedtak vert vedtatt med tillegg av fellesforslaget.

## **Kommunestyret 18.12.2018:**

### **Behandling:**

Spørsmål frå AP

- har tillitsvalde fått moglegheit til å uttale seg om budsjettet.

Svar frå rådmannen: det er lagt ut til ettersyn for offentlegheita, og gjennom det kan tillitsvalde sjå forslaget som er lagt fram frå rådmannen.

- inntekter frå utleige frå Bokn arena.

Svar frå rådmannen: ein vil ha oversikt over desse inntekten på nyåret i 2019.

Innlegg frå AP sin representant Kari Christensen: AP har motforestillingar mot å selje Bokn kommune sine aksjer i Haugaland kraft for å finansiere ein ny skule. Partiet meiner det er ei kortsiktig løysing, og ein er og usikker på påkrevd det er med ein ny skule på nåverande tidspunkt? Er dette rett måte å forvalte fellesskapet sine ressursar på? AP ynskjer å anbefale at ein utsetter bygginga av ny skule.

AP har eit tilleggsforslag til vedtak med fylgjande ordlyd:

Kommunestyret sluttar seg til budsjettforslaget for 2019/økonomiplan 2020-22 med fylgjande endring:

- Kommunestyret ynskjer ikkje å selje Bokn kommune sin aksjepost i Haugaland kraft i samband med finansiering av ny skule m.v.

- Kommunestyret ber rådmannen leggje fram forslag til alternativer når det gjeld finansiering av ny skule, med eit realistisk tidsperspektiv.

- I løpet av 1.halvår 2019 vert det lagt fram ei sak for kommunestyret kor det vert vurdert ulike system for oppvarming av skulebygget, samt eit kostandsoverslag for alterative varmeanlegg.

Forslag frå Jeanette Sunde Olausen (H)

- kan endringar i budsjettet oppsummerast slik at det er lettare å få ei god oversikt over endringane?

Rådmannen tek forslaget med seg til budsjettframlegg for 2020.

Innlegg frå Osmund Våga (SP): det er risikabelt å ha ein stor kapitalandel bunde opp i eit selskap slik kommunen sin økonomi er nå.

### **KS- 064/18 Vedtak:**

Fellesforslaget frå SP, H, Krf og AP vart vedteke med 15 mot 2 røyster.

Forslaget frå AP fekk 2 røyster.